

شوك قاعده سنی چار گوشه اولوب زمیندن ارتفاعی بکرمی قدمدر
و اشاغی طرفنک قطری بکرمی قدم و یوقاروسی تقریباً اون بر
قدمدر.

بعض روایت کوره قاعده سنک التده خرسینانلر عندنده واجب
الاحترام بعض آثار قدیمه مذفون اولدیغندن اوانلده بین الاهالی
زیاده معزز ایدی و سنده بر کره عظیم جمعیت ایله اطرفنه کیدیلرک
زیارت قانور ایدی.

(فاردیس)

(تاریخ قدمای ملوک مصر)

بطلمیوس اسکندر ثانی (ما بعد)

بالاده بیان اولندیغی اوزره اسکندر ثانی میلاددن طقسان برسنه
اول جلوس ایدوب کندوسی ساده دل و سست رأی بر ذات
اولدیغندن کرک اهالی و کرک اجانب نظرنده هیچ بوجهله کسب
اعتبار ایده مامش و سیرتیاک ایالتنده بولتان یهودیلر ایاقلندقلرنده
بو اختلالک دفعنه مقتدر اوله مامشدر. ایون مقدما ایالت
مذ کوره بی باوصینامه روما جهوزینه ترک ایدوب جهوز مذکور
قبول ایتمامش ایکن اسکندرک سؤ اداره سی جهتله وصیت
مزبوره بی سر رشته ایدوب ایالت مذ کوره بی ضبط ایلیدی.
شام حکمداری انطب و کوسک زوجده سی سبیلین مصر ملوک

خاندانندن اولدیغنی و حکمدار مشار الیمک ارباب لیاقت
 و اقتداردن اولدیغنی بسط و بیان ایله حکمدارلغک کندو
 اوغلاری انطیوکوس ایله سیلوکوسه احاله سنی روما جمهورندن
 استعدا ایتش ایسده قرین اسعاف اولماشدر. مصر اهالیسی
 اسکندر ثانیئک سؤ اداره سندن دلگیر اوله رق عصیان ایله
 مشار الیمی مملکتدن طرد ایدوب یرینه حکمدار سابق لایترک
 بطلمیوس اولیت نام ولد نامشروعنی تخت حکمداری یه اقعاد
 و بوتک برادرینی دخی قبریس جزیره سی مسند حکومته اصعاد
 ایلدیلر. اسکندر ثانی اول ائنده فلسطین ایالتنده بولنان روما
 اردوسی سرعسکری مشهور پومپئوس زدینه کیدوب استعانه
 ایلش ایسده مساعده کوره مدیکندن صور شهرینه چکیلوب اوراده
 وفات ایتش و مصر الکاسنی با و صیننامه روما جمهورینه ترک
 ایلشدر

بطلمیوس اولیت

بطلمیوس اولیت میلاددن اتمش بش سنه اول مسند نشین حکومت
 اولوب اول ائنده سانی متوق اسکندرک مذکور و صیننامه سی دخی
 رومایه واصل اولغله سناتو مجلسنده بویاده برچوق مباحث جریان
 ایدرک اهل مجلس ایکی طرف اولوب بر طاقی بویله بر خطه
 جسمه نک تحت تصرفه اتمشک اهمیتنی سردو بیان و و صیننامه
 مذکوره اسنادا اخذ و اسنیلاسی امر آسان اوله جغنی اتیان اتمش
 ایسده دیگر طرفینه بویله برو صیننامه ایله ترک اولنان سیرینایک
 ابالتله و نش (المنه و سه انال) مملکت جمهور ضبط اتمشک شمدی

وخی مضر الکاسی استیلا سنه قیام اولنور ایسه شو کیفیت ممالک
سائریه موجب کمال خوف ودهشت اوله رق شاید جمهور علیه
بر اتفاق عقد ایتملی ملحوظ اولمسیله اشبوا فکاردن فراغت اولمسی
لر و منی در میان ایتمش اولدیغندن نهایت اسکندرک و فائنده صور
شهرنده ترک ایلدیکی اموال کلیه نك اخذیله اکتفا اولنوب وصینامه
مذکور احکام سائر سنك اجراسی وقت مرهونه تعلیق اولمسنه
قرار ویرلدی. لکن بطلمیوسک برادری بروجه محرر قبریس جزیره سی
حکمداری بولدیغنی ائشاده روما جمهورى کبر استندن قلیدیوس
رسفینده بولدیغنی حالده دکر خسرسزلی اسیرایدوب اطلاق
ایچون کندوسندن بر مقدار اچچه طلب ایلدیلر. فقط عندنده مقدار
کافی اچچه بولمدیغندن حکمدار مشار الیه دن طلب ایتدکده بودخی
مجبور اولدیغنی خسته منی یا لکن ایکی تالان ارسال ایلدی. خسرسز
یونی قبولدن استکاف ایله قلودیوسی بلافدییه اطلاق ایلدیلر.
قلودیوس بووقعه دن طولای قیریس حکمدارندن منفعل اولدیغندن
رومایه عودتنده اسکندرک وصینامه سنه بنأ مضر و ملحقاتنك
جمهور طرفندن ضبطی ممکن اولدیغنی و جزیره مذکوره نك حسب
الموقع جمهورجه اهیتی درکار ایکن بونك نا اهل و غدار بر ادم
یئنده ترکی جائز اولیده غنی سناتو مجلسنه عرض و بیان ایتمسی
اوزینه قیریس جزیره سنك ضبط و استیلا سنه قاتون نام مشهور
سر عسکر تعین و ارسال اولندی. قاتون براردو ایله قیریه عزیمت
و بلا محاربه جزیره مذکوره یی ضبط ایلدی. حکمداری شو حالندن
فوق الغایه متأثر اوله رق اول امر ده بالجملة ذیقیمت اموال و اشیاسیله
مکه به بنوب وسط دریا ده کی بی خرق ایله غرق اولمقلا سنه

و نیت ایلش ایستده بعده بوندن نکول و شهره قفول ایله کند و سنی
تلف ایلدی. قاتون اوراده انه کچن بی حساب اموال و اشیای ملت
خزیننه سنه ارسال و بالکر مشاهیر فلاسفه یونانیه دن زینونک اوراده
در دست ایلدیکی بر قطعه در سینی نزدنده توفیق ایله اثبات کمال عفت
و استقامت ایلشدر. غرائبندر که اولوقتلرده روما جمهورینک بر کمال
اولان حرص و طمع و قوت و مکتبی ملل سائر یه دهشت انداز
اولوب بونلرک جمله جمهور مذکور علیه قیام ایللری لازم کلور ایکن
بالعکس بر حقوق مالک اهلایسی مع المنونیه جمهوره مذکور عسکرینه
تسلیم اولدیغی مثللو بر منوال محرر بعض حکمداران دخی حین
وفاتلرنده مملکتلرینی با وصیتنامه جمهور مذکوره ترک ایدرلر ایلدی.
بونک حکمتی دخی بر طرفدن حکمدارلرک ارتکاب ایلدکلی مظالم
و تعدیات و بر طرفدن بونلرک اعضای خاندانلری یئینده دائمی
ظهوره کلان منافسات و محاربات اهلایک امن و آسایشی سلب
ایدوب حالبوکه روما جمهورى حکام و مأمورینک کمال اهلیت
و استقامت لرینه مبنی زیر حکومتلرنده بولنان اهلای مظهر سعادت
حال اولدقلریدر. مع مافیه اشاعیده بیان اولنه جنی و جهمله جمهور
مذکورک بودرجه موفقینه سبب اولان حسن اخلاق صکره لری
سرمستی اقبال ایله رهین فساد اوله رق رؤسای ملتک حرص
و ارتکابلرندن ناشی بیلرنده وقوع بولان منازعات و محاربات جمهورک
شوکت و اقتدارینی و عالمک امن و آسایشی سلب و ازاله ایلدی.
مصر حکمداری بطلمیوس اولیت بروجه مشروح روما جمهورینک
قبریس جزیره سنی ضبط ایلدیکی کورد کده جمهوره مذکور اسکندریه
وصیتنامه سنی سر رشته انخیز ایله خطه مصریه یه دخی پای انداز

تجاوز اوله جغنی واولخالده مصر اها ایل سنک دخی مدافعه ایتمه جکر بنی
 ملاحظه ایله خوف و اندیشه یه دوچار اولدیغندن روما رؤسای
 ملتک ایچمه قوتیله جلبنه تشبث ایلدی و قیصر روم نامیله مشهور
 ژولیوس قیصر اولوقت روماده قونسلوس تعیر اولنان ریاست مسندنده
 بولوب تصورات عظیمه سنک فعله اخراجیچون کلی ایچمه احتیاجی
 اولدیغندن بطلمیوس قونسلوس مشار الیه کذلک روما مشاهیر
 رجاندن بونک مخالفی بولنان پوپئوسه مبالغه جسیه ارسالیله مشار
 الیه هاتک صدماتی استحضال ایدرک مسندنده ابقاسی جمهورک ملتزمی
 اولدیغنه دائر مذکور سناتو مجلسی طرفندن کندوسنه بر قطعیه
 امر نامه اصدار قلندی . فقط حکمدار مشار الیه بوقدر مبالغه جمع
 و تحصیل ایچون مصرده بر حقوق ظلم و تعدی اجرا سنه مجبور
 اولدیغی جهتله اهالی رفع لوای عصیان ایله کندوسی خلع و قتل
 ایتمک نیتنده بولمشلار ایسه ده مشار الیه فرار ایله تخلص کریبان جان
 ایلدی . اوغلارینک حوادث سناری مناسبتیله اداره حکومته مقتدر
 اوله میه جقارندن پیره نیس نامنده بیوک قری تخت سلطنته افساد
 اولندی .

مشار الیه رومایه عزیمت ایتمک ایتمش ایسه ده ابتدا البدیا (البوم
 صاروخان سنجاغی) طرفنده بولنان روما اردوسی سرعسکری
 مشهور قاتونک نزدینه کیدوب حین ملاقاتده قاتون کندوسنه مراسم
 توقیر و احترامکاری بی اجرا ایتمکدن بشقه حرکات سابقه سندن
 طولانی تویج و عتابه ابتدار و طلب معاونت ایچون رومایه کیدوب
 کبرای ملتک معامله تحقیریه لرینه مظهر اولقسدن ایسه مصره
 عودتله محاربه یه قیام ایلمسی و موفق اوله مز ایسه دخی شو یولده

تلف اولسی اولی اوله جغنی و بووجهله حرکت ایتدیکی صورتده کندوستنک دخی برابر عزیمت ایدم جگنی افاده و تدکار ایتش ایسه ده بطلیوس شو حرکت مر دانه یه جسارت ایده میسه رک رومایه عزیمت واوراده فی الواقع بر مدت دور ابواب ایله ارتکاب مذلت ایتد کدن صکره سالف الذکر پومپئوس واسطه سیله سناتو مجلسنک حمایه سنه نائل اولدی . بواثناده مصر لول بطلیوسک ملحوظ اولان افساد اتنک دفعی ضمنده رومایه سفرای مخصوصه کوندر مشار ایسه ده مشار ایله سفرای مذکوره بی بر تقریب تسیم و ذیون اسمنده برکسته اشبو سری افشا ایتک استدیکندن اتی دخی اتلاف ایلدی .

هر نه حال ایسه برضوال محرر پومپئوسک ترویجیله روما جمهورینک صحابتنه مظهر اولوب غالییوس و مارق انطوان نام جزا لارک زیر اداره زنده اوله رق مصر جایتنه براردو سوق اولندی . اول اثناده مصر ملکه سی پیره نیس اقریاسندن بولنان سوریه حکمداری سیلو کوسک اعانه سنه مظهر اولقی ایچون مشار ایله ایله تزوجه طالب اولدیغی استماع اولمغله مومی ایله غالییوس اشبو اتفاقک حصوله وقت برانقامی ایچون کمال استعجال ایله مصره عزیمت و بطلیوس شهرینی استیلا ایتد کدن صکره مصادف اولدیغی مصر عسکرینه غلبه و سرعشکر لری بولنان ارکیلاوسی دخی قتل ایدرک مدت قلیله ده مملکتی کاملاً ضبط ایله بطلیوس اولیتی تکرار تخت سلطنته اقعاد ایلدی . اشبو محاربه ده سرعشکر ثانی بولنان مشار ایله انطوانک وقوعبولان حسن تدبیر و شجاعتی بعده کسب ایلدیکی شهرت و شانک مقدمه سی اولشد .

بطلیوس اولیتک بوجه محرر تخته جلوسنده کافی السابق مظلوم

و تعدياته ابتدار ايدوب مشار اليها كرمه سي نيره نيس و بالجملة
طرفدارانتي اعدام و مشار اليهم بومپوس و غالينوس
وانطوانك خدمات واقعه سنه مقابل هدايا و يرمك ايجون تلف
ايتديكي آدمرك اموالني مصادره ايلدي . مصر لولر اشو مظالمه دخی
تحمل ايتكده ايكن اعتقادات باطله زينك نه درجدرده افكار عامه ده
تأثيري اولديغني كوستر برحال ظهور ايتشدر . شويله كه اهالي مصر
جانلريني جلادله و ماللريني اجنبيلره تسليم ايتكده اولدقلى حالده
پرسنش ايلدقلى بركدی يي روما عسكردن برنفر قضا قتل
ايلديكندن غالينوس و انطوان اوراده اولدقلى حالده اهالي
انقنوب مرقوم نفري اهلاك ايلديلر .

حكمدار مشار اليه روماده صرف و اتلاف ايلديكي ايقه نك چوغني
زاير يوس اسمنده رومالو برناتدن استقراض ايلش اولمسيه داي
مرقوم مشار اليهك جلوسني متعاقب مطلوبونك تحصيلي ضمننده
مصره كلدي . مشار اليه دخی مصارف مملكتدن فضله قاله جق
ايقه يي مطلوبينه محسوبا اخذ ايتك اوزره شخص مرقومي امور
ماليه نظارته تعيين و برمدت صكره اموال خزينه يي سرقت و اتلاف
ايتدي ديوا اقرا ايدرك حبس و تضيق ايلش ايسده مرقوم بر
تقريب فرار ايدرك رومايه عودت ايلدي . بوندن صكره حكمدار
مشار اليهك زمانده شايان تحرير حالات وقوع بولدي و هر نقدر حال
صلح و آسايش دينله مز ايسده ده ايام سلطنتي برسكونت حالده مرقوم
ايدرك اشو جلوس نائيسندن درت سنه صكره يعني ميلاددن اوتوز
التي سنه اول وفات ايلدي .

مشار اليهك بطلموس اسمنده ايكي اوغلي ايله قلوباتروارستوي

اسنده ایکی قرى اولوب وفاتنده بیوک اوغلی بطلمیوس همشیره سی
 قلیو پاتره تزویج ایله ایکهسنگ مشترکا تخته اجلاس اولملى و حد
 بلوغلرینه قدر مومى ایله پو میثوسک وصی اولمى متوفاتک جلاه
 وصایا سندن اولمغله اولوجهله اجرا اولندرق بعد التزوج مومى
 ایلهما بطلمیوس ایله قلیو پاتر مشترکا جلوس ایلدیلر.

(خلیل) (محمد جیل)

(ملکین مجتمعین)

افلاق

افلاق امارتی ممالک محروسه شاهانهک اجزای متمه سندن اولوب
 شمالا بغداد امارتی و اوستریا ممالکندن بولنان اردل ایالتی و شرقا
 دو بریجه و جنوبا طونه نهری حد فاصل اولمق اوزره بلغارستان
 یعنی طونه ولایت جلیله سی و غربا مجارستان و صرب امارتی ایله
 محدود در و تربیعا ۹۴۵ میریاسترو و سوتنده دز . مملکت مذکوره نک
 شمال و شمال غربیسی قارپات جبال منسلله سیله محاط اوله رق
 اراضیسی طونه نهرینه طوغری مائل اولدیغندن اکثر محلی مستوی اولوب
 بالکز جهت شمالیه سی بعض مرتبه طاغلقدر . اشبوطاغلرک بعضیسی
 ایکی بیک مترو ارتفاعنده اوله رق مجارستان و اردل طرفلرنده عادتا
 بریوک سنده شاه سنده اولوب بونک بالکز بش مملنده مری وارد در انهار